

SAMOA

Faatulagaina o Aiaiga

- | | | | |
|-----|--|-----|--|
| 1. | Igoa puupuu ma le amataga | | puleaga |
| 2. | Faamatalaina o uiga o Upu | 18. | Faasilasilaga o suiga |
| 3. | Ofisa Asiasi o Faletupe mo Teugatupe i Atunuu i Fafo | 19. | Tausia o faamaumauga o faamatalaga tau tupe |
| 4. | Faatonuga | 20. | Faamatalaga tai kuata tausaga ma isi faamatalaga o tupe maua faale-tausaga |
| 5. | Laisene o le Vasega "A" o Teugatupe i Fafo | 21. | Asiasiga |
| 6. | Laisene o le Vasega "B" o Teugatupe i Atunuu i Fafo | 22. | Tuuina atu o faamatalaga |
| 7. | Teuteuga e mulimuli mai ai | 23. | Pule e faia ai saililiga |
| 8. | Talosaga mo Laisene | 24. | Faamatalaga sese po o le taufaasese |
| 9. | Toe Faafouina o Laisene | 25. | Suesuega Aloaia |
| 10. | Laisene e le mafai ona faaliliuina atu | 26. | Sueina faa-suetusi o Faamatalaga tau tupe faale-tausaga |
| 11. | Sea ia aua nei tuuina atu pe faaliliuina atu e aunoa ma le faamaoniga | 27. | Tiute a le Suetusi |
| 12. | Faamaoniga o Faatonu | 28. | Tausia o Tulaga Faalilolilo |
| 13. | Nisi faamaoniga manaomia | 29. | Solia o Tulaga Faalilolilo tau Poto Faapitoa |
| 14. | Pepa faamaonia aloaia | 30. | Tupe Mama ma Tufatufaga |
| 15. | Gaoioiga faasaina | 31. | Faamutaina o le laisene |
| 16. | Pisinisi o lo o i ai i le taimi nei po o avea ai ma sui i totonu o Samoa | 32. | Faamalosia o Suesuega o Saililiga |
| 17. | Aufaigaluega agavaa ma | 33. | Laisene e mafai ona soloia |
| | | 34. | E mafai e le Minisita |

o se Tagata Nofomau ina ua tuanai ia upu “ua faamauina e tusa ai ma le Tulafono o Kamupani Tausi Mavaega 1987”, ia upu “ma so o se mavaega faava-o-malo ua faamauina i lalo o le Tulafono o Mavaega Faava-o-Malo 1987 ma so o se isi tulafono e mulimuli mai ai ma so o se Faiga faa Paaga Faava-o-Malo po o se Faiga faa Paaga Faatapulaaina ua faamauina e tusa ai ma le Tulafono o Faiga faa-Paaga Faava-o-Malo ma Faiga faa Paaga Faatapulaaina 1998”;

- (f) Faaofiina i ai ina ua tuanai le faaupuga “pisinisi tau teugatupe i atunuu i fafo” ma ona faamatalaga, ia le faaupuga ma faamatalaga e faapea:

“Tagata Ofisa”, i sootaga i se tagata ua laiseneina, e aofia ai so o se faatonu, failautusi, po o se tagata faigaluega a le tagata ua laiseneina:

- (g) O le faaupuga “Resitara” ma ona faamatalaga ua soloia.

3. Ofisa Asiasi o faletupe mo teugatupe i atunuu i Fafu-

- (1) O le Tulafono autu ua teuteuina i le faaofiina ina ua tuanai le fuaiupu 3 le fuaiupu fou e faapea:

“3A. Ofisa Asiasi o Faletupe mo Teugatupe i Atunuu i Fafu-(1) O le Ofisa Asiasi o Faletupe mo Teugatupe i Atunuu Fafu o le a tofia e le Minisita mo le faatonutonuina ma le vaavaaia o tagata ua laiseneina.

- (2) O le tiute a le Ofisa Asiasi -

- (a) O le faatumauiina lea o toe iloiloga i luga o se tulaga aoao i faiga o lo o faatino ai teugatupe i atunuu i fafo i totonu o Samoa;
- (b) I so o se taimi ua manatu o ia ua talafeagai ai po o i le taimi ua manaomia ai e le Minisita ina ia faia, le suesueina e ala i tupe maua e masani ai po o i se isi lava faiga ua ia manatu ua talafeagai ai e tusa ai ma mataupu po o pisinisi a so o se tagata

ua laiseneina mo le faamoemoe e faamalieina ai o ia e faapea o aiaiga o lenei Tulafono o lo o usitaia ma e faapea o le tagata ua laiseneina o lo o sologalelei ana tulaga tau tupe ma i so o se taimi ua manatu o ia ua talafeagai ai po o pe afai e manaomia e le Minisita, ina ia lipoti atu i le Minisita taunuuga o ia suesuega uma taitasi;

- (c) Pe a fai e manaomia e le Minisita, ina ia fesoasoani i le suesuega o so o se solitulafono faasaga i tulafono a Samoa e pei ona ua ia mauaina ai ni mafuaaga talafeagai e talitonu ai ua faia po o e ono faia e se tagata ua laiseneina po o e so o se tasi o ana faatonu po o ni tagata ofisa e tusa ai ma o latou tulaga e pei ona taua;
 - (d) Le suesueina o faamatalaga tau tupe faale-tausaga ua uma ona sueina faa-suetusi, faamatalaga ma faamatalaga o tupe maua faale-tausaga ua tuuina atu ia te ia e tusa ai ma le fuaiupu 19 ma le 20 ma lipoti atu e tusa ai ma ia tulaga i le Minisita i so o se taimi e pei ona ua ia manatu ua talafeagai ai po o pe a fai ua manaomia e le Minisita ina ia faia; ma
 - (e) Le suesueina ma le faia o ni fautuaga i le Minisita e tusa ai i talosaga mo ni laisene po o le toe faafouina o laisene.
- (3) I le faatinoina o ana matafaioi i lalo o lenei Tulafono ma, i le noatia ma le fai fuafua i le fuaiupu 25, o le ofisa asiasi e agavaa itaimi uma talafeagai -
- (a) E avanoa atu ai i so o se tusi, faamaumauga, pepa aloaia mo tupe totogi, pepa aloaia, tinoitupe ma pepa aloaia tau le puipuiga malu o aitalafu a so o se tagata ua laiseneina;
 - (b) E talosagaina so o se faamatalaga, mataupu po o se mea mai so o se tagata o ia lea ua i ai ni mafuaaga talafeagai e talitonuina ai o lo o ia tauaveina se pisinisi tau teuga tupe i atunuu i fafo ua solia ai le fuaiupu 3 o le Tulafono; ma
 - (c) Le valaau atu i so o se tagata ofisa a le tagata ua

5. Laisene o le Vasega “A” o Teugatupe i Fafu - Fuaiupu
6 o le Tulafono autu ua teuteuina i le-(1) Soloia o le faafuaiupu
(3) ma suia i le faafuaiupu e faapea:

“(3) O Le o lo o Umia se Laisene o le Vasega “A” o Teugatupe i Fafu e mafai ona talosaga i le Faletupe Tutotonu o Samoa mo le faavaeina o se kamupani i totonu o Samoa e faia ai se pisinisi mo teugatupe i fafu e tusa ai ma le Tulafono o Faalapotopotoga Tau Tupe 1996.”

(2) Faaofiina i totonu o le faafuaiupu (4) ina ua tuana'i ia upu “o se laisene o le Vasega “A” o teugatupe i fafu” ia upu “po o le tagata o lo o umia se laisene o le Vasega “B” o teugatupe i fafu” na tuuina atu e tusa ai ma le fuaiupu 7(1)(a) o ia lea ua mauaina le faatagaga a le Minisita e faavaeina, tausia ma faagaioia se ofisa o le pisinisi a le tagata o lo o umia le laisene i totonu o Samoa.

(3) Faaofiina i totonu o le faafuaiupu (5) ina ua tuana'i ia upu “o se faletupe o le Vasega “A” mo teugatupe i atunuu i fafu,” ia upu “po o ua laiseneina e avea o se faletupe o le Vasega “B” mo teugatupe i atunuu i fafu e tusa ai ma le fuaiupu 7(1)(a) ma o ia lea ua mauaina le faatagaga a le Minisita e faavaeina, tausia ma faagaioia se ofisa o le pisinisi a le tagata o lo o umia le laisene i totonu o Samoa.”

(4) Soloia le faafuaiupu (6) ma suia i le faafuaiupu fou e faapea:

“(6) O se laisene o le Vasega “A” o le faletupe mo teugatupe i atunuu i fafu o le a, i le noatia ma le fai fuafua i leni Tulafono, aloaia mo se vaitaimi e lua tausaga mai le aso na tuuina atu ai ma e mafai ona toe faafouina mo nisi vaitaimi taitasi e tai lua tausaga.

(7) So o se Laisene o le Vasega “A” o teugatupe i atunuu i fafu ua tuuina atu ao le i o o i le aso e amata faamamalu ai leni Tulafono o le a aloaia se ia o o i le aso e faamuta ai e pei ona faamaotiina i totonu o le laisene ua taua. O sea laisene e mafai loa i lea taimi ona toe faafouina mo nisi vaitaimi taitasi e tai lua

tausaga.”

6. Laisene o le Vasega “B” o Teugatupe i Atunuu i Fafu. Fuaiupu 7 o le Tulafono autu ua teuteuina i le-(1) Aveeseina mai parakalafa (a) ma le (b) o le faafuaiupu (1) ia le upu “o lea mea” i so o se tulaga o lo o aliali mai ai ma suia i upu “le o lo o umia”.

(2) Faaofiina i totonu o faaparakalafa (iii) o le parakalafa (a) o le faafuaiupu (1) i luma mai o upu “pisinisi e pei ona faamaotiina mai” le upu “na o”.

(3) Soloia mai le faaparakalafa (ii) o le parakalafa (b) o le faafuaiupu (1) ia upu “mai i na o tagata o lo o faamaotiina i totonu o le laisene” ma suia i upu “mai i na o tagata po o vaega o o latou igoa o lo o lisiina i totonu o le fuafuaga o lo o tuuina atu faatasi ma le talosaga mo le laisene”.

7. Teuteuga e Mulimuli mai ai - Fuaiupu 8, 11, 14, 17, 19, 21, 22, 24, 25, 26, 31, 34, 45 ma le 46 o le Tulafono autu ua teuteuina i le soloia o le upu “Resitara” i so o se tulaga o lo o aliali mai ai ma suia i le upu “Ofisa Asiasi”.

8. Talosaga mo Laisene-(1) Parakalafa (c) o le faafuaiupu (1) o le fuaiupu 8 o le Tulafono autu (e pei ona teuteuina e le fuaiupu 7 o lenei Tulafono) ua teuteuina i le faaofiina i ai ina ua tuanai ia upu “e pei o le Minisita”, ia upu “po o le Ofisa Asiasi”.

(2) Faafuaiupu (2) o le fuaiupu 8 o le Tulafono autu (e pei ona teuteuina e le fuaiupu 7 o lenei Tulafono) ua teuteuina i le faaofiina i ai ina ua tuanai ia upu “e pei o le Minisita”, ia upu “po o le Ofisa Asiasi”,

9. Toe faafouina o Laisene - Fuaiupu 11 o le Tulafono autu au teuteuina i le-(1) Soloia le faafuaiupu (1) ma suia e faapea:

“(1) O se talosaga a se tagata ua laiseneina mo le toe faafouina o se laisene ua tuuina atu i lalo o lenei Tulafono e tatau ona mauaina e le Ofisa Asiasi ia le sili atu nai lo le lua masina a o le i o i le aso e faamuta ai le laisene ua taua”.

(2) Faaofiina i totonu o le parakalafa (6) o le faafuaiupu (2) ina ua tuanai ia upu “e pei o le Minisita” ia upu “po o le Ofisa Asiasi”.

(3) Faaofiina ina ua tuanai le parakalafa (b) o le faafuaiupu (2) le parakalafa fou e faapea:

“(c) O le totogi fuapauina faale-tausaga o laisene e pei ona faatonuina ma totogi fuapauina o faasalaga;”.

(4) Soloia mai le faafuaiupu (3) ia upu “i le totogiina o totogi fuapauina faale-tausaga mo le toe faafouina i le aso atofaina po o i luma mai o le aso e faamutaina ai le laisene”.

10. Laisene E le mafai ona Faaliliuina atu - Faafuaiupu (3) o le fuaiupu 12 o le Tulafono atu ua teuteuina i le soloia o upu “Ae vagana ai ua tuuina atu se faatagaga e ese mai ai e tusa ai ma le fuaiupu 6(3)”.

11. Sea ia aua nei tuuina atu pe faaliliuina atu e aunoa ma le faamaoniga - O le Tulafono atu ua teuteuina i le faaofiina i ai ina ua tuanai le fuaiupu 12 ia le fuaiupu e faapea:

“12A. Sea ia aua nei tuuina atu pe faaliliuina atu e aunoa ma se faamaoniga-(1) E leai ni sea i totonu po o so o se isi lava puipuiga malu tau aitalafu a se tagata ua laiseneina o le a tatau ona tuuina atu ma e leai se sea e tuuina atu po o ni aia tau faamanuiaga i totonu o ni sea po o isi puipuiga malu tau aitalafu a so o se tagata ua laiseneina o le a tatau ona faaliliuina atu pe faamatuu atu i so o se faiga e aunoa ma le uluai faamaoniga tusinga a le Ofisa Asiasi:

Ae vagana ai e faapea e mafai e le Minisita ona tuusaunoina so o se tagata ua laiseneina mai i aiaiga o lenei fuaiupu, i le noatia ma le fai fuafua i ni tuutuuga ma ni aiaiga, pe afai e i ai, e pei ona ua ia manatu ua tatau ai.

(2) I totonu o le faafuaiupu (1) o lenei fuaiupu, o le faasinomaga i sea a so o se tagata ua laiseneina ua faaliliuina

atu po o ua faamatuu atu e aofia ai so o se faaliliuina atu po o se faamatuuina atu e faapea o le a taunuu atu ai i so o se suiga i tagata e faamanuiaina mai se laisene o lo o umia.

(3) E ese mai ai i aiaiga o le faafuaiupu (1) o lenei fuaiupu, o le a le manaomia le uluai faamaoniga tusitusia a le Ofisa Asiasi pe afai o ni sea po o ni puipuiga malu tau aitalafu ua tuuina atu i le aufai sea o lo o i ai i le taimi nei i luga o se faiga fuafuaina e tatau ai.

(4) E leai ni sea umia po o ni sea faamaonia ua tuuina atu i tagata e umia e mafai ona tuuina atu e se tagata ua laiseneina.”

12. Faamaoniga o Faatonu - O le Tulafono autu ua toe teuteuina i le faaofiina i ai ina ua tuanai le fuaiupu 12 ia le fuaiupu e faapea:

“**12B. Faamaoniga o Faatonu**-(1) Ae vagana ai ua tuusaunoaina mai i sea manaoga e le Minisita, o le a tatau i se tagata ua laiseneina, a o le i tofia se faatonu ona tuuina atu se talosaga i le Ofisa Asiasi mo lana faamaoniga tusitusia e tusa ai ma sea tofiga e faapea o se faatonu agavaa ma talafeagai a le tagata ua laiseneina.

(2) O faamaoniga ua tuuina atu e tusa ai ma le faafuaiupu (1) -

- (a) Ua faaleaogaina i luga o se faamaoniga pe a fai o le faatonu ua avea o se tagata ua gau mativa, ua ia faia se fuafuaga po o se faatulagaga ma tagata o lo o nofo aitalafu ai po o ua faamaonia se solitulafono e aofia ai le tulaga o le le faamaoni;
- (b) O le a mafai ona soloia e le Ofisa Asiasi faatasi ai ma le faamaoniga a le Minisita.”

13. Nisi faamaoniga manaomia - O le Tulafono autu ua toe teuteuina i le faaofiina i ai ina ua tuanai le fuaiupu 12 le fuaiupu fou e faapea:

“**12C. Nisi Faamaoniga Manaomia** - O se tagata ua laiseneina faale-Tulafono i lalo o le Tulafono o Kamupani Faava-o-Malo 1987 o le a le tatau, e aunoa ma le uluai

faamaoniga tusinga a le Minisita -

- (a) Ona tatalaina i fafo atu o Samoa se lala tau faletupe, lala tau ofisa, Soo-upu po o se ofisa e avea ma sui; po o
- (b) Suia o lona igoa.”

14. Pepa faamaonia aloaia - O le Tulafono atu ua toe teuteuina i le faaofiina i ai ina ua tuanai le fuaiupu 12 ia le fuaiupu fou e faapea:

“12D. Faiga Faavae tau Inisiua - E mafai e le Minisita ona manaomia se tagata ua laiseneina ina ia faatinoina se Pepa Faamaonia Aloaia tau Inisiua ma se Kamupani Inisiua faamaonia faasaga -

- (a) I le tulaga le faamaoni o tagata faigaluega a le tagata ua laiseneina;
- (b) Leiloa o pepa aloaia; ma
- (c) Isi lamatiaga e pei ona ono faamatalaina e le Minisita,

i se aofaiga ma se tulaga e pei ona fuafuaina e le Minisita o le a lelei ma talafeagai, i le manatunatu lea i le uiga ma le ituaiga pisinisi o lo o tauaveina e le tagata o lo o laiseneina; ma i le tulaga e faapea ua tala i tua le inisiua, faaleaogaina po o le toe faafouina, o le a tatau i le tagata ua laiseneina ona logo vave le Minisita ma o le a tatau ona taofia loa le tauaveina o le pisinisi se ia toe faaauau pe toe suia le inisiua.”

15. Gaoioiga faasaina-(1) Faafuaiupu (1) o le fuaiupu 13 o le Tulafono atu ua teuteuina i le soloia o le parakalafa (a) ma suia i le parakalafa e faapea -

- “(a) Faia o so o se pisinisi tau teuga tupe ma so o se tagata e ese mai ai na i lo ni tagata e le o ni tagata nofomau o Samoa;”

(2) Faafuaiupu (2) o le fuaiupu 13 o le Tulafono atu ua teuteuina i le -

- (a) Faaofiina i ai ina ua tuanai ia upu “O se Tagata o lo

o Umia” ia upu “o se laisene vasega “A” o teugatupe i fafu po o se”;

- (b) Faaofiina i totonu o le faaparakalafa (i) o le parakalafa (c) ina ua tuanai ia upu “so o se tasi o ana faatonu,” ia upu “aufaisea, aufaisea faamanuiaina po o ni tagata o lo o umia laisene e faamanuiaina ai” ma i le soloia o upu “sea faatonu” ma suia i upu “sea tagata”;
- (c) Soloia o le parakalafa (ii) o le parakalafa (c) ma suia i parakalafa e faapea:

“(ii) I po o e avea ai ma sui o so o se kamupani, faiga faa paaga po o se kamupani lea o lo o avea ai le tagata ua laiseneina, po o so o se toatasi po o le sili atu foi o ana faatonu, aufaisea, aufaisea faamanuiaina ai po o ni tagata e umia se laisene e faamanuiaina ai, o lo o i ai se manao e avea ma faatonu, paaga, pule, sooupu, faisea, faisea faamanuiaina po o se tagata e umia se laisene e faamanuiaina ai; po o i po o e avea ai ma sui o so o se tagata toatasi, kamupani, faiga faa-paaga po o se kamupani o ia lea po o lea ua avea ai so o se tasi o ana faatonu, aufaisea po o le aufaisea e faamanuiaina ai po o i latou o lo o umia ni laisene e faamanuiaina ai o se tagata e faamaonia;

(iii) Mo faamoemoega o leni parakalafa, o se faatonu, faisea, faisea faamanuiaina ma tagata o lo o umia laisene e faamanuiaina ai o le a tatau on aofia ai lana ava, tane, tama, tina, uso, tuafafine, atalii po o afafine a sea tagata.”

(3) Fuaiupu 13 o le Tulafono autu ua toe teuteuina i le faaofiina i ai ina ua tuanai le faafuuiupu (3) ia le faafuuiupu e faapea:

“(4) E ese mai ai i le faafuuiupu (3) so o se tagata ua laiseneina, po o se tagata ua laiseneina i le aso na amata

faamamalu ai lenei Tulafono, o le a faatagaina i ai se vaitaimi e sefulu ma le valu masina mai le aso e pei ona taua i luga, e usitaia ai aiaiga e pei ona ua teuteuina e parakalafa (a) ma le (c) o le faafuaiupu (2).”

16. Pisinisi o lo o i ai i le taimi nei po o avea ai ma sui i totonu o Samoa-(1) Faafuaiupu (1) o le fuaiupu 14 o le Tulafono autu ua teuteuina i le faaofiina i ai ina ua tuanai ia upu “i so o se kamupani”, ia upu “tuufaatasia faale-Tulafono i fafo atu o Samoa po o”.

(2) Faafuaiupu (2) o le fuaiupu 14 o le Tulafono autu ua teuteuina i le faaofiina i ai ina ua tuanai ia upu “o lo o umia se laisene ma”, ia upu “sa tuufaatasia faale-Tulafono i fafo atu o Samoa po o”.

17. Aufaigaluega agavaa ma puleaga - Faafuaiupu (1) o le fuaiupu 16 o le Tulafono autu ua teuteuina i le soloia o parakalafa (b) ma le (c) ma suia i parakalafa e faapea -

“(b) Sa faasalaina o ia e se Faamasinoga i totonu o so o se atunuu i se vaitaimi sa nofosala ai i totonu o le falepuipui mo se solitulafono ua faamaonia e aafia ai le le faamaoni ma na te le i mauaina se faamagaloga mo lena solitulafono;

(c) O ia lea po o ua maua i le tulaga gau mativa, ua faamuta le tuuina atu o tupe totogi i po o ni tupe tului faaputupu ma tagata o lo o ia nofo aitalafu ai; po o

(d) Sa avea o ia o se faatonu o se kamupani lea ua o o atu i le tulaga gau mativa po o ni taualumaga i le le mafai ona totogiina ana aitalafu, e ese mai ai na i lo le faamaapeina o taualumaga i luga o le loto faitalia.”

18. Faasilasilaga o suiga-(1) Faafuaiupu (1) o le fuaiupu 17 o le Tulafono autu ua teuteuina i le faaofiina i ai ina ua tuanai ia upu “aiaiga o so o se isi Tulafono, o se tagata ua laiseneina” ia upu “tuufaatasia faale-Tulafono i fafo atu o Samoa po o”.

(2) Faafuaiupu (4), (5) ma le (6) o le fuaiupu 17 o le Tulafono autu ua teuteuina i le soloia o upu “faalapotopotoga tau tupe” ma “faalapotopotoga” i so o se tulaga o lo o aliali mai ai i totonu o le Tulafono autu ma suia i le upu “Kamupani”.

19. Tausia o faamaumauga o faamatalaga tau tupe-(1)

Faafuaiupu (1) o le fuaiupu 18 o le Tulafono autu ua teuteuina i le soloia o le faamatalaga o le faaupuga “Faamaumauga o Faamatalaga tau Tupe” ma suia i le faamatalaga e faapea:

“Faamaumauga o Faamatalaga tau Tupe,” faasino i se kamupani e aofia ai pepa tau galuega ma isi pepa aloaia ma faamaumauga o lo o tausia i totonu o komepiuta, i lipine maneta po o i isi lava auala tau masini e mafai ona faaoga e teuina ai i totonu o faiga faa-eletoroni e po o e avea ai ma sui o le kamupani, e pei ona talafeagai e faamatala ai metotia ma le faatatauina o tulaga o lo o faia ai faamatalaga tau tupe a le kamupani”.

2) Parakalafa (a) o le faafuaiupu (2) o le fuaiupu 18 o le Tulafono autu ua teuteuina i le faaofiina i ai ina ua tuanai ia upu “faasino i sea pisinisi”, ia upu “ma tausia ia faamaumauga tau faamatalaga tau tupe i se nofoaga i totonu o Samoa e pei ona logoina atu i le Ofisa Asiasi”.

(3) Fuaiupu 18 o le Tulafono autu ua toe teuteuina i le faaofiina i ai ina ua tuanai le faafuaiupu (2) o le faafuaiupu e faapea:

“(3) O tagata uma ua laiseneina i le aso na amata faamamalu ai lenei Tulafono, o le a manaomia e tausia i totonu o Samoa faamatalaga tau tupe uma mo ni tausaga faale-tupe se lua a o le i o o atu i le aso e amata faamamaluina ai lenei Tulafono faapea foi ma isi faamaumauga tau tupe uma e mulimuli mai ai”.

20. Faamatalaga tai kuata tausaga ma isi faamatalaga o tupe maua faale-tausaga-(1) Fuaiupu 20 o le Tulafono autu ua

teuteuina i le soloia o le faafuaiupu (1) ma le faafuaiupu (2) ma suia i faafuaiupu e faapea:

“(1) I le noatia ma le fai fuafua i le faafuaiupu (3) o leni fuaiupu, o tagata taitasi uma ua laiseneina o le a tatau, faasino i ana gaioiga i totonu pe mai i totonu o Samoa, ona tuuina atu i le Ofisa Asiasi i se pepa o le a mafai ona faamaonia e le Ofisa Asiasi mai i lea taimi i lea taimi, ia faamatalaga e faapea -

(a) I le tulaga e tusa ai i tagata o lo o umia se laisene o le Vasega “A” o teugatupe i atunuu i fafo po o se laisene o le Vasega “B” tau teugatupe i atunuu i fafo ua tuuina atu e tusa ai ma le fuaiupu 7(1)(a), e le sili atu na i lo le 21 aso ina ua tuanai le aso mulimuli o le kuata lea e faasino i ai, se faamatalaga faa-kuata o meatotino ma noataga, faamatalaga o tupe sau i totonu, faamatalaga o tupe maua ma tupe gau ma se faamatalaga o tupe maua faale-tausaga e tuuina atu ai ootoga o noataga a tagata fai-pisinisi i le tagata ua laiseneina e tusa ai ma ni faaunegatupe, tupe faa-aitalafu ma isi meatotino a le tagata ua laiseneina i le aso mulimuli na tapunia ai faamatalaga tau pisinisi o lena Kuata;

(b) I le tulaga o tagata o lo o umia ni laisene o le Vasega “B” o teugatupe i atunuu i fafo na tuuina atu e tusa ai ma le fuaiupu 7(1)(b), ia le silia na i lo le 21 aso ina ua tuanai le vaitaimi e ono masina e pei ona faasino i ai, se faamatalaga faale-afa tausaga o meatotino ma noataga, faamatalaga o tupe maua ma tupe alu, faamatalaga o tupe mama ma tupe gau ma faamatalaga o tupe maua faale-tausaga e tuuina atu ai se ootoga o noataga a tagata fai pisinisi i le tagata ua laiseneina e tusa ai ma ni faaunegatupe, tupe faa-aitalafu ma isi meatotino a le tagata ua laiseneina i le aso mulimuli na tapunia ai pisinisi e tusa ai ma lena vaitaimi o le afa tausaga; ma

(c) Isi lava faamatalaga tau tupe maua faale-tausaga o le a ono faatonuina.

(2) I le noatia ma le fai fuafua i le faafuaiupu (3) o lenei fuaiupu, e mafai e le Ofisa Asiasi ona manaomia se tagata ua laiseneina ina ia tuuina atu ia te ia nisi faamatalaga e pei ona o le a ono talafeagai ai mo le faamalamalamaina lelei o so o se faamatalaga po o se faamatalaga o tupe maua faale-tausaga ua tuuina mai e lena tagata ua laiseneina e tusa ai le faafuaiupu (1) e pei ona taua i luga ma o sea faamatalaga o le a tataua ona tuuina atu i totonu o sea vaitaimi ma i se faiga e pei ona o le a manaomia e le Ofisa Asiasi”.

(2) Faafuaiupu (4) ma le faafuaiupu (5) o le fuaiupu 20 ua teuteuina i le soloia o le upu “Minisita” ma suia i le upu “Ofisa Asiasi” i so o se tulaga o lo o aliali mai ai.

21. Asiasiga - Fuaiupu 21 o le Tulafono autu ua teuteuina i le faaofiina i ai ina ua tuanai upu “a o faagasolo itula faigaluega masani a le tagata ua laiseneina”, ia upu “i le ofisa faamauiina a le tagata ua laiseneina po o le ofisa autu a le tagata ua laiseneina.

22. Tuuina atu o faamatalaga - Faafuaiupu (1) o le fuaiupu 22 o le Tulafono utu ua teuteuina i le faaofiina i ai ina ua tuanai ia upu “le Minisita” ia upu “po o le Ofisa Asiasi”.

23. Pule e faia ai sailiiliga - O le Tulafono autu ua teuteuina i le faaofiina i ai ina ua tuanai le fuaiupu 22 le fuaiupu fou e faapea:

“22A. Pule e faia ai suesuega-(1) O se Faamasino po o se Faamasino o le Faamasinoga Maualalo o ia lea ua faamalieina i luga o se faamatalaga tauto a le Ofisa Asiasi po o se tagata ua faamaonia e faapea -

(a) O lo o i ai se mafuaaga talafeagai e masalomia ai e faapea ua faia se solitulafono faasaga i lenei Tulafono po o o lo o faatinoina ma o lena molimau e tusa ai ma le faatinoina o le

solitulafono o le a mauaina i totonu o so o se nofoaga, fale po o nofoaga po o i totonu o so o se taavale, vaa po o vaalele e pei ona faamaotiina mai; po o

- (b) So o se tusi, faamaumauga, pepa aloaia mo tupe totogi, pepa aloaia, tinoitupe po o pepa aloaia mo le puipuiga o aitalafu, e ao ona tuuina atu e tusa ai ma le fuaiupu 3A, fuaiupu 21 po o le fuaiupu 22 ma e le i tuuina atu lava, ma o le a mauaina i totonu o se nofoaga po o i totonu o so o se taavale, vaa po o se vaalele,

E mafai ona tuuina atu se tusi faamaonia e faataga ai le Ofisa Asiasi po o se tagata ua faamaonia ua faaigoina i totonu o le tusi faamaonia, i so o se taimi i totonu o le tasi le masina mai le aso na tuuina atu ai le tusi faamaonia, e ulufale atu ai i totonu o nofoaga e pei ona faamaotiina i totonu o le tusi faamaonia po o, le a lava le tulaga e ono o o i ai, so o se nofoaga lea o lo o i ai le taavale, vaa po o le vaalele e pei ona faamaotiina, ma ia sailiilia ia nofoaga po o, i le tulaga e tusa ai ma, se taavale, vaa po o se vaalele.

(2) O le tagata ua faatagaina e so o sea tusi faamaonia e suesueina ai so o se nofoaga po o so o se taavale, vaa po o se vaalele e mafai ona suesueina tagata taitoatasi uma ua maua i totonu po o i latou ia ua i ai ni mafuaga talafeagai ua talitonuina ai e le i leva ona latou tuua po o o le a amata ona ulufale atu i totonu o ia nofoaga po o lena taavale, vaa po o se vaalele, po o le a lava le tulaga o le a i ai, ma e mafai ona taofia so o se tusi, faamaumauga, pepa aloaia mo tupe totogi, pepa aloaia, tinoitupe po o pepa aloaia mo puipuiga malu o aitalafu ua mauaina i totonu o so o sea tagata po o i totonu o so o sea nofoaga po o i totonu o sea taavale, vaa po o se vaalele; ua i ai ni mafuaaga talafeagai ia te ia ua talitonuina ai e ao ona tuuina mai e tusa ai ma le fuaiupu 3A, fuaiupu 21 po o le fuaiupu 22.

(3) A fai e tusa ai ma lena fuaiupu o se tagata ua i ai so o se pule e ulufale ai i so o se nofoaga, po o se taavale po o se vaalele, e mafai ona ia faaoga so o se malosia e pei ona o le a talafeagai ai mo le faamoemoe i le faatinoina o lena pule.

(4) O tusi faamaonia tau suesuega uma taitasi o le a

faatinoia i le ao, ae vagana ai o le tusi faamaonia o lo o faamatalaina ai le faatagana o le faatinoia o sea sailiiliga i le po.

(5) O le tiute a tagata taitoatasi o lo o faatinoia so o se tusi faamaonia tau suesuega ina ia tauaveina e ia sea tusi faamaonia ma faaali atu pe afai e manaomia le faia o sea tulaga.

(6) So o se tagata e faalavelave i le Ofisa Asiasi po o so o se isi tagata i le faatinoia o so o se pule ua faaeeina ia te ia i lalo o lenei fuaiupu ua faia se solitulafono faasaga i lenei Tulafono”.

24. Faamatalaga sese po o le taufaasese - O le Tulafono autu ua toe teuteuina i le faaofiina i ai ina ua tuanai le fuaiupu 22 le fuaiupu e faapea:

“22B. Faamatalaga sese po o le taufaasese - So o se tagata ua laiseneina po o so o se faatonu po o se tagata ofisa a se tagata ua laiseneina o ia lea ua faia ma le iloa po o le loto i ai le tuuina atu o faamatalaga sese po o faamatalaga tau faasese i le Minisita po o le Ofisa Asiasi po o so o se tagata ua faamaonia ua faia se solitulafono faasaga i lenei Tulafono”.

25. Suesuega aloaia - Faafuiaiupu (4) o le fuaiupu 23 o le Tulafono autu ua teuteuina i le soloia o upu “o ia lea o le a tuuina atu” ma suia i upu “o ia lea e ono mafai ona tuuina atu”.

26. Sueina faa-suetusi o Faamatalaga tau tupe faale-tausaga-(1) Faafuiaiupu (1) o le fuaiupu 24 o le Tulafono autu ua toe teuteuina i le soloia o upu “faamatalaga moni ma le sao” ma suia i upu, “faamatalaga moni ma talafeagai”.

(2) Faafuiaiupu (1) o le fuaiupu 24 o le Tulafono autu ua toe teuteuina i le faaofiina i ai o upu “pe faamata o lenei tulaga ua lelei atoatoa” ia le fuaiupu faapea:

“E le gata i lea, o le a tatau i le suetusi ona lipoti atu e tusa ai ma le tulaga pe faamata o le tagata ua laiseneina o lo o tauaveina se pisinisi e tusa ai ma tuutuuga o lana laisene e faapea ai o ia tuutuuga e faasino i mataupu tau tupe ma / po o faamatalaga tau tupe. E tatau foi i le Suetusi ona lipoti atu pe

faamata e tusa ai ma lona manatu, o faamatalaga o tupe maua mo kuata faale-tausaga taitasi po o le tai afa tausaga ua failaina e le tagata ua laiseneina ua maea ma sao atoatoa e tusa ai ma faatonuga tau lipoti ma o lo o atagia ai le sao lelei o faamatalaga tau tupe a le puleaga e pei ona sa saunia e le tagata ua laiseneina”.

(3) Fuaiupu 24 o le Tulafono autu ua toe teuteuina i le soloia o le faafuaiupu (5) ma suia i le faafuaiupu e faapea:

“(5) Mo faamoemoega o lenei fuaiupu, o se suetusi ua faamaonia o se suetusi lea sa faamaonia e le Ofisa Asiasi ma o se suetusi faamauina a se kamupani e tusa ai ma aiaiga o le Tulafono o Kamupani Faava-o-Malo 1987.”

(4) Fuaiupu 24 o le Tulafono autu ua toe teuteuina i le faaofiina i ai ina ua tuanai le faafuaiupu (7) le faafuaiupu e faapea:

“(8) E ese mai ai ma le faafuaiupu (3) o lenei fuaiupu, so o se tagata ua laiseneina, ua laisene i le aso na amata faamamalu ai lenei Tulafono, o le a faatagaina i ai se vaitaimi e ono masina mai le aso e pei ona taua e usitaia ai aiaiga o lenei fuaiupu”.

27. Tiute a le Suetusi - O le Tulafono autu ua teuteuina i le faaofiina i ai ina ua tuanai le fuaiupu 24 le fuaiupu fou e faapea:

“24A. Tiute a le Suetusi-(1) I le tauaveina o se suesuega faa-suetusi o faamatalaga tau tupe a se tagata ua laiseneina, o le a avea ma tiute a le suetusi i so o se tulaga e talafeagai ai ona faalauteleina po o le faatele atu o le li’o o ana suesuega e tusa ai ma pisinisi ma mataupu a le tagata ua laiseneina ma tauaveina so o se suesuega po o le faavaeinga o so o se taualumaga ina ia tuuina atu ai se manatu moni ma le talafeagai i tulaga tau tupe a le tagata ua laiseneina faatasi ai ma taunuuga o ana gaoioiga fai. So o se taualumaga faapitoa ua tauaveina e tataua ona faaalua uma i totonu o le lipoti a le Suetusi.

(2) O le a avea foi ma tiute a le suetusi le lipoti atu i le Ofisa Asiasi i se taimi vave lava so o se faamatalaga faasino i mataupu a se tagata ua laiseneina ua mauaina e ia a o faagasolo se suesuega faa-suetusi, pe afai ua ia manatu e faapea -

- (a) O le tagata ua laiseneina ua le mafai e ia ona totogi ana aitalafu po o e ono avea ma se tagata o le a le mafai ona totogiina ana aitalafu po o e ono le mafai ona faafetaiaia ana noataga po o ua i se tulaga matuia ma lavelave ana tulaga tau tupe;
- (b) Ua ia faia se solitulafono ua faamaonia e aofia ai tulaga tau faasese po o le le faamaoni;
- (c) Ua tulai mai ni faaletonu matuia, e aofia ai ni faaletonu e faapea e ono aafia ai aia a tagata o lo o teuina ai a latou tupe ma tagata o lo o nofo aitalafu ai;
- (d) Ua i ai ni tupe gau ua aliai mai e ono matua faaitiitia ai faaputuga-tupe o tupe faavae a le tagata ua laiseneina; po o
- (e) Ua le mafai e ia ona faamaonia e faapea o ni tagi a tagata o lo o nofo aitalafu ai o lo o mafai ona faafetaiaia pea e meatotino a le tagata ua laiseneina.

(3) E ono manaomia le suetusi ina ia talanoaina lana suesuega faa-suetusi i se faiga tuusao ma le Ofisa Asiasi po o le fesiligia ina ia tuuina mai ni faamatalaga faaopopo e tusa ai ma le suesuega faa-suetusi.

(4) O le a tataua i le Suetusi, a o le i faailoa atu so o se faamatalaga i le Ofisa Asiasi e tusa ai ma le faafuuiupu (2), ona faia ni laasaga talafeagai e logoina ai le tagata ua laiseneina e tusa ai ma lona faamoemoe e faailoa atu le faamatalaga faapea foi ma le uiga o sea faamatalaga.

(5) E mafai e le Ofisa Asiasi, i luga o se faasilasilaga tusisia e tuuina atu i se tagata ua laiseneina, e manaomia ai le tuuina mai ia te ia o se lipoti, ua saunia e lana suetusi e tusa ai ma sea mataupu e pei ona o le a ono fuafuaina e le Ofisa Asiasi, e ono aofia ai se manatu i tulaga aupito lelei o meatotino, le

lava o aiaiga mo tupe gau, ma le lava o faiga tau faamatalaga tau tupe ma le puleaina.

(6) E leai ni taualumaga tau aia patino, solitulafono po o amio taupulea o le a faia faasaga i so o se suetusi e tulai mai i le faailoaina atu o se faamatalaga na faia i luga o le agaga lelei i le Ofisa Asiasi e tusa ai ma lenei fuaiupu”.

28. Tausia o tulaga faalilolilo - Fuaiupu 25 o le Tulafono autu ua soloia ma ua suia i le fuaiupu e faapea:

“25. Tausia o tulaga faalilolilo-(1) Ae vagana ai mo le faamoemoe i le faatinoina po o le tauaveina o ona tiute po o matafaioi e tusa ai ma lenei Tulafono po o pe afai e manaomia e tusa ai ma le tulafono ina ia faia e so o se faamasinoga iloga faale-tulafono i totonu o Samoa, e le mafai e le Minisita, le Ofisa Asiasi po o so o se ofisa maufofi po o ni tagata ofisa, e aofia ai so o se tagata ua faatagaina ma so o se tagata ua tofia e tusa ai ma fuaiupu 23, 32 po o le 33, ona faailoa atu so o se faamatalaga faasino i so o se talosaga e faia e so o se tagata e tusa ai ma aiaiga o lenei Tulafono po o faasino i mataupu a se tagata ua laiseneina po o so o se fai pisinisi a se tagata ua laiseneina na mauaina e ia i le faatinoina po o le tauaveina o ia tiute po o matafaioi i lalo o lenei Tulafono.

(2) Faafuaiupu (1) o le a le faaaogaina i se mataupu ua faailoa atu e le Ofisa Asiasi -

- (a) E talafeagai mo le faatonutonuina lelei o se tagata ua laiseneina;
- (b) E tusa ai ma mataupu a le tagata ua laiseneina po o se fai pisinisi a se tagata ua laiseneina faatasi ai ma le pule a le tagata ua laiseneina po o le fai-pisinisi a le tagata ua laiseneina na tuuina atu i luga o le tulaga ofoina atu, po o le a lava le tulaga e ono i ai;
- (c) Pe a fai o le faamatalaga ua uma ona silafia e tagata lautele.

(3) E mafai e le Ofisa Asiasi ona ia faailoaina atu i se puleaga faatonutonu o Teugatupe i fafo po o so o se isi lava

puleaga faatonutonu tali tutusa faamatalaga e uiga i le tagata ua laiseneina, ae vagana ai e faapea -

- (a) Ua faamalieina le Ofisa Asiasi e faapea o le puleaga e pei ona faamoemoe e tuuina atu i ai sea faamatalaga o lo o noatia i ni tapulaa faale-tulafono ua lava i nisi tulaga e faailoaina atu o le a aofia ai le aiaiga o se gaioioiga i luga o le tulaga faalilolilo;
- (b) O le faamatalaga ua tuuina atu e le Ofisa Asiasi e le aofia ai so o se igoa o tagata taitoatasi o lo o teuina ana tupe po o le au fai-pisinisi a le tagata ua laiseneina ua taua; ma
- (c) O le faamatalaga e manaomia mo faamoemoega o na o faatonuga tau teugatupe ma e le faasino i se tulaga tuusao po o le faaalatua i le faaeeina atu, fuafuaina ma le aoina mai o lafoga po o le faamalosia o tulafono faatonutonu e pulea ai fesuiaiga o tupe”.

29. Solia o tulaga faalilolilo tau potu faapitoa-(1)

Faafuaiupu (1) o le fuaiupu 26 o le Tulafono autu ua teuteuina i le faaofiina i luma mai o upu “o tagata uma taitasi ua faia se solitulafono”, ia upu “Ae vagana ai e pei ona aiaia i totonu o le fuaiupu 25.”

(2) Faafuaiupu (3) o le fuaiupu 26 o le Tulafono autu ua teuteuina i le faaofiina ina ua tuanai le parakalafa (f) ia le parakalafa e faapea -

- “(g) I le Ofisa Asiasi e le suetusi po o le uluai Suetusi a se tagata ua laiseneina e tusa ai i ni faamatalaga tau tupe ua uma ona sueina faa-suetusi po o ni faamatalaga o tupe maua faale-tausaga a le tagata ua laiseneina”.

30. Tupe mama ma tufatufaga - Parakalafa (b) o le fuaiupu 28 o le Tulafono autu ua teuteuina i le soloia o upu “po o ua tofogiina atu i se tagata o lo o teuina ana tupe e se tagata ua laiseneina” ma i le faaofiina i ai ina ua tuanai le parakalafa (b)

ia le parakalafa e faapea -

“(c) E leai se lafoga o tupe maua, po o so o se lafoga tuusao pe faaalatua po o ni tiute ma lafoga o le a faalafogaina i totonu o Samoa i luga o so o se tupe tului e totogiina atu i se tagata o lo o teuina ana tupe e le o se tagata nofomau (e ese ai na i lo tupe tului e totogiina atu i se kamupani tausī mavaega ua faamauina i lalo o le Tulafono o Kamupani Tausī Mavaega 1987 i luga o o latou lava aia e faalafogaina i totonu o Samoa) e se tagata ua laiseneina.”

31. Faamutaina o le Laisene - Fuaiupu 31 o le Tulafono autu ua soloia.

32. Faamalositia o sutesuga o saililiga. Fuaiupu 32 o le Tulafono autu ua teuteuina i le-(1) Faaofiina i totonu o le faafuaiupu (1) ina ua tuana i upu “i se faiga e ono faaleaga ai i” ia upu “manaoga o tagata lautele po o”

(2) Soloia parakalafa (a), (b) ma le (c) o le faafuaiupu (1) ma suia i parakalafa e faapea -

- “(a) E manaomia vave ai le tagata ua laiseneina e faia ni faiga ua ia manatu ua talafeagai ai e tusa ai ma ana pisinisi;
- (b) Faapea o ni tuutuuga, po o nisi tuutuuga, po o le a lava le tulaga o le a i ai, i luga o le laisene ma e mafai ona teuteuina pe soloia o so o sea tuutuuga;
- (c) E manomia ai le aveesea ma le toe suia o so o se faatonu po o se tagata ofisa a le tagata ua laiseneina;
- (d) Tofia o se tagata, o ia lea, i lona manatu, ua iai ni aoaoga ua lava ma ni poto masani e fautua ai le tagata ua laiseneina i le faatinoina lelei o lana pisinisi ma faatulagaina totogi e ao ona totogiina atu e le tagata ua laiseneina i sea tagata;
- (e) Tofia se tagata e tauaveina le pulea o mataupu a le

tagata ua laiseneina o ia lea o le a faatasi ai ma isi tulaga o le a i ai pule uma a se tagata ua tofia e avea o se tagata e faamaapeina po o se pule o se pisinisi e tusa ai ma le Tulafono o le Gau Mativa ma faatulagaina totogi e ao ona totogiina atu e le tagata ua laiseneina i sea tagata; po o

- (f) Ae vagana ai ua faamalieina o ia e faapea o le tagata ua laiseneina ua faia ni faiga ua lava e faaleleia ai ana mataupu, faia se poloaiga e tusa ai ma le fuaiupu 33 e soloia ai le laisene”.

(3) Soloia mai le faafuaiupu (2) ma le faafuaiupu (3) ia upu “parakalafa (a) o le” i so o se tulaga o lo o aliali mai ai.

33. Laisene e mafai ona soloia - Fuaiupu 33 o le Tulafono autu ua soloia ma ua suia i le fuaiupu e faapea:

“33. Pule a le Minisita-(1) I so o se taimi ua manatu ai le Minisita e faapea o se tagata ua laiseneina -

- (a) O lo o tauaveina se pisinisi i se faiga e faamanualia ai manaoga o tagata lautele, po o manaoga a i latou o lo o teuina a latou tupe po o isi tagata o lo o nofo aitalafu ai le tagata o lo o laiseneina;
- (b) O lo o pe e ono foliga mai o le a le mafai ona faafetaiaia ana noataga i le taimi atofaina e totogiina ai;
- (c) Ua le tausisia le usitaia o tuutuuga ma aiaiga o lana laisene;
- (d) Ua le usitaia le tausisia o so o se faatonuga e tuuina atu e le Minisita i lalo o lenei Tulafono; po o
- (e) Ua solia o so o se tiute po o noataga ua faaeina atu i ai e lenei Tulafono po o ua faia se solitulafono i lalo o lenei Tulafono,

e mafai e ia ona faia loa lava o se tasi po o le sili atu o ni gaioioiga, e pei ona ua ia manatu o le a talafeagai ai, -

- (i) e manaomia ai le tagata ua laiseneina ina ia faia loa ni faiga e pei ona ua ia manatu ua

talafeagai ai i sootaga ma lana pisinisi;

(ii) faaeeina i ai o ni tuutuuga, po o nisi tuutuuga, po o le a lava le tulaga e ono i ai, i luga o le laisene ma e mafai ona teuteuina pe soloia so o sea tuutuuga;

(iii) e manaomia ai le aveesea ma le toe suia o so o se faatonu po o se tagata ofisa a le tagata ua laiseneina;

(iv) tofia o se tagata o ia lea, ua ia manatu, ua lava ana aoaoga ma poto masani e fautuaina ai le tagata ua laiseneina i le tauaveina lelei o lana pisinisi ma faatulagaina totogi o le a totogiina e le tagata ua laiseneina i sea tagata;

(v) tofia se tagata e tauaveina le pulea o le tagata ua laiseneina o se tagata ua tofia e faamaapeina po o se pule sili o se pisinisi e tusa ai ma le Tulafono o le Gau Mativa ma faatulagaina totogi o le a totogiina e le tagata ua laiseneina i sea tagata; po o

(vi) soloia le laisene.

(2) O se tagata ua tofia i lalo o parakalafa (iv) po o le (v) o le faafuaiupu (1) po o o ia lea ua toe faaopoopoina lona tofiga e tusa ai ma le parakalafa (b) o le faafuaiupu (3) o le a mai i lea taimi i lea taimi i luga o lana faitalia ma i so o se tulaga i totonu o le tolu masina i le aso o lona tofiga po o le faalateleina o lona tofiga (po o le a lava le tulaga e ono i ai), saunia ma tuuina mai o se lipoti i le Minisita ma le Ofisa Asiasi e tusa ai ma mataupu a le tagata ua laiseneina ma ana fautuaga faasino i ai.

(3) I le mauaina o se lipoti i lalo o le faafuaiupu (2), e mafai e le Minisita -

(a) Soloia le tofiga o le tagata na tofia i lalo o le faaparakalafa (iv) po o le (v) o le faafuaiupu (1);

(b) Faalateleina le vai taimi o lona tofiga;

(c) I le noatia ma le fai fuafua i ni tuutuuga e pei ona o le a ia faaeeina atu, faatagaina le tagata ua laiseneina e toe faaopoopoina ai ana mataupu i se faiga ua faamaonia e ia; po o

(d) Soloia le laisene

35. Faamaui atu o le Laisene - O le Tulafono autu ua toe teuteuina i le faaofiina i ai ina ua tuanai le fuaiupu 33 o le fuaiupu e faapea:

“33B. Faamatuu atu o le Laisene-(1) O se tagata ua laiseneina o ia lea ua taofia e tauaveina se pisinisi e tusa ai ma le tulaga na tuuina atu ai le laisene e mafai ona talosaga i le Minisita e faamatuu atu lana laisene pe a fai ua -

(a) Uma ona taofia le tauaveina o sea pisinisi, ma tuuina mai ni molimau e faapea ua uma ona ia toe totogiina atu teugatupe uma na umia e ia ma ua uma ona faaliliuina atu meatotino tau mavaega uma na umia e ia po o sa faafoeina e ia; po o

(b) Faataapeina i luga o le faitalia ma tuuina atu ni molimau e faapea ua le mafai e ia ona totogiina ana aitalafu ma ua mafai loa lava ona toe totogi atu teugatupe uma na umia e ia faapea foi ma tagata uma o lo o nofo aitalafu ai ma ua uma ona faaliliuina atu meatotino tau mavaega uma na umia po o na faafoeina e ia,

ma e mafai e le Minisita e tusa ai ma ia tulaga ona faamaonia le faamauina atu o sea laisene.

(2) I le tulaga o se talosaga i lalo o le parakalafa (b) o le faafuaiupu (1) o leni fuaiupu, e mafai e le Minisita ona talosaga i le Faamasinoga mo le tagata ua laiseneina ina ia faataapeina e le Faamasinoga, ma o le faia o sea poloaiga o aiaiga o le Tulafono o Kamupani Faava-o-Malo 1987 faasino i le faataapeina o se kamupani e lena Faamasinoga o le a faaaogaina e aunoa ma se suiga e toe faia i ai”.

36. Talosaga faasaga i se faamutaina, faamalositia o gaoioiga po o le soloia-(1) Fuaiupu 34 o le Tulafono autu ua teuteuina i le soloia o le ulutala ma suia i le Ulutala e faapea:

“34. Talosaga”.

(2) Parakalafa (a), (b) ma le (c) o le faafuaiupu (1) o le fuaiupu 34 ua soloia ma ua suia i parakalafa e faapea -

